

五礼通考

第五
函十一册

五禮通考卷第一百十二

內廷供奉禮部右侍郎金匱秦慈田編輯

兩淮都轉鹽運使德衆盧見曾

李太僕總督蘇若鄰吏部城方觀承同訂

直隸按察司副使元和宋崇完

參校

吉禮一百十二

大夫士廟祭

儀禮有司徹

鄭目錄云少牢之下篇也上大夫既祭饌尸于堂之禮天子諸侯之祭明日而繹

郝氏敬曰承上養事畢有司徹室中饌饌尸于堂饌尸即繹凡大祭明日繹少牢之儀即祭日也鄭謂有司徹尸爲上大夫不饌尸爲下大夫饌與不饌事故適然或祭有大小禮有損益未可據此分大夫之上下也

欽定義疏上篇正祭以神道事尸于室故用祝與佐食

皆室事也此篇饌尸以賓禮接尸于堂故不用祝與

佐食而另立侑以輔尸皆堂事也即于祭日攝酒爓

俎而行之與天子諸侯明日繹祭者不同祭統云天

子之祭也與天下樂之諸侯之祭也與竟內樂之然

則大夫之儻尸也亦率其賓客宗族家臣以樂尸而已

少牢下篇以儻尸爲正禮不儻尸乃禮之殺者故另起言若不儻尸如士冠禮言若不醴則醕用酒若殺則特豚士昏禮記云若不親迎則婦入三月然後壻見一例敖氏以爲古今文質異宜或亦五方風俗異尙是也又時祭有四或三時儻尸而一時不儻尸或秋冬儻尸而春夏不儻尸亦惟人酌而行之耳

蕙田案注疏分儻尸爲上大夫不儻尸爲下大夫而郝仲輿則云儻與不儻事故適然或祭有大小禮有損益未可據與注疏異據春秋書猶繹說者以爲繹祭禮輕宜廢而不廢故譏是諸侯有廢繹之時則上大夫容有不

饋尸之事考家語公父文伯祭其祖悼子康
子與焉進俎而不授徹俎而不與燕宗老不
與則不繹繹不盡飫則退繹卽上大夫饋尸
也曰繹僭也宗老不與則不繹卽所謂若不
饋尸也可爲確證注疏未妥

有司徹

注徹室中之饌及視佐食之俎

敖氏繼公曰徹室中之饌及養者之豆爵與祝之薦俎也祝不自執以出是未歸也其二佐食乃眾賓爲之室中事畢亦反于賓位然則祝與佐食皆當與饋尸之禮矣

張氏爾岐曰有司謂司馬司士宰夫之屬不饋尸者尸出之後設饌于西

北隅以厭飫神謂之陽厭此既饋尸有祭象故不設饌西北隅爲陽厭也

埽堂

注爲饋尸新之少儀曰

司宮攝酒

注更洗盆整頓之

乃歃尸俎

注歃溫也溫尸

俎于爨斯亦溫焉古文談皆作尋記或作煇春秋傳曰若可煇也亦可寒也

敖氏繼公曰謂皆示新之祝佐食亦與饋尸之禮其俎不溫者以無上位略之但因其故俎而已

欽定義疏自有司徹以下祝與佐食皆不見于經故注

以爲祝與佐食不與饋尸之禮然經不見祝與佐食
出與歸俎之文則是猶在列也且事神事尸祝佐食
有上事爲最貴而饋尸之禮不與可乎以其饋尸不
與尸相接而在堂下眾賓眾兄弟之班故經文不見
之也祝佐食之俎不燔者以他人可用尸之餘不可
令尸用他人之餘也是以因其故俎而設于堂下焉
正祭主人主婦不設俎亦以饋尸不便于燔俎故耳
上篇宗人遣賓祫而二佐食在焉故敖氏以佐食爲
眾賓也其祝若同姓則在兄弟之列異姓則在眾賓
之列

蕙田案祝佐食以神事尸者也侑以賓事尸
者也幽明理殊尸賓事異自不宜相襲

卒燂乃升羊豕魚三鼎無腊與膚乃設扃鼐陳鼎于門

外如初

注腊爲庶羞膚從豕去其鼎者饋尸之禮殺于初如初者如廟門之外東方北面北上

蕙田案少牢五鼎有腊與膚饋尸禮殺膚附豕俎無專鼎也

蕙田案以上饌尸俎新賓禮

乃議侑于賓以異姓

注議酒擇也擇賓之賢者可以侑尸必用異姓廣敬也是時主人及賓有司已復內位

敖氏繼公曰與賓長謀議可與爲侑者此與鄉飲酒就先生而謀賓介之意相類侑之言佑也所以輔助尸者也饋尸而立侑亦示敬尸之意且貴多儀也

欽定義疏主人賓有司皆未出廟門則猶在內位也何

復之有上篇養者三人興出注云出降反賓位是也

三人中佐食在焉抑可見佐食之與于饋尸禮矣

宗人戒侑

注戒猶告也南面告于其位戒曰請子爲侑

疏知南面告于其位者以賓位在門東北面請以爲侑明面向其位可知

侑出

俟于廟門之外

注俟待也待于外當與尸更入主人興禮事尸極敬心也

蕙田案以上立侑

司宮筵於戶西南面

注爲尸席也

又筵于西序東面

注爲侑席也

尸與

三禮通考卷三十三
二
侑北面于廟門之外西上

注言與殊尊卑北面者儗尸而尸益卑西上統于賓客

欽定義疏尸者神之所憑憑之則神離之則人也儗尸者處乎神與人之閒始猶疑乎神之終則全乎人之者也士之尸未出廟則疑乎神未離之故尸不與于旅酬尸尊也大夫儗尸尸出廟而復入則疑乎神既離之故尸亦與乎旅酬尸卑也又案燕禮之賓出東面賓之也大射儀之賓出北面臣之也此尸與侑皆北面故注以爲尸益卑而敖氏以爲尊大夫也疏謂尸執臣道夫同姓之親天子諸侯盡臣之大夫則或臣或不臣矣豈可槩乎其臣者如東郭偃臣崔武子是也爲尸者則不必其皆臣也

主人出迎尸宗人擯

注賓客尸而迎之主人益尊擯贊此宗人擯正祭主人不迎尸以申尸之尊至此賓

迎尸而

客尸而

主人拜尸答拜主人又拜侑侑答拜主人揖先入

門右注道

敖氏繼公曰凡主人與客揖而先入皆入門右也經獨于此見之

尸入門左侑從亦左揖乃讓

注沒雷相揖至階又讓疏鄉飲酒禮之等入門三揖至階又讓

敖氏繼公曰亦三揖至于階乃三讓也惟云揖乃讓文省

主人先升自阼階尸侑升自西階西楹西北面東上

注東上統

于其席疏賓席以東爲上故也

主人東楹東北面拜至尸答拜主人又拜

侑侑答拜注拜至喜之

郝氏敬曰自主人出迎及拜至皆用賓禮

蕙田案以上迎尸及侑

乃舉

注舉舉鼎也舉者不盥殺也

司馬舉羊鼎司士舉豕鼎舉魚鼎以入

陳鼎如初

注如初如阼階下西面北上疏

雍正執一匕以從雍

府執二匕以從司士合執二俎以從司士贊者亦合執

二俎以從匕皆加于鼎東枋二俎設于羊鼎西西縮二

俎皆設于二鼎西亦西

注凡三七鼎一七四俎為尸侑主人主婦其二俎設于不鼎魚鼎之西陳之宜具也

姜氏兆錫曰縮之言直猶順也凡至經言南陳南肆及南順之屬皆異名而同實肆亦陳也謂其陳之皆直而順也

雍人合執二俎陳于羊俎西竝皆西縮覆二疏匕於其

上皆縮俎西枋

注竝併也其南俎司馬以羞羊匕清羊肉清其北俎司土以羞豕匕清豕肉清豕胛清魚疏匕匕柄有刻飾者疏

匕清謂無肉直汁以其在匕清也肉清直是肉從清中來實無汁案下文次賓羞羊匕清司馬羞羊肉清此注并云司馬不云次賓其實羞羊匕清者是次賓也又

案下文次賓羞豕匕清司土羞豕胛清魚此并云司土者亦據上經正文司土擊豕而言實次賓羞豕匕清也

欽定義疏羞俎者注不見次賓疏以經正之是也其二

俎之設注謂南者羞羊北者羞豕魚似屬倒置然即

謂北俎羞羊南俎羞豕魚猶未盡合也蓋兩俎必相

閒用之羊匕清俎以羞于尸則羊肉清俎亦當已載

而俟則二者不可同用一俎明矣豕匕清與豕胛亦

然故二俎祇可以匕與肉分而不可以羊與豕異也

蕙田案以上舉鼎設俎

主人降受宰几尸侑降主人辭尸對注凡所以坐安體周禮大宰掌贊玉几玉爵宰

授几主人受二手橫執几揖尸注獨揖尸几禮主于尸主人升尸侑升

復位注位阼階賓階上位

張氏爾歧曰即上文東楹東西楹西之位

主人西面左手執几縮之以右袂推拂几三二手橫執

几進授尸于筵前注衣袖謂之袂推拂去塵示新

敖氏繼公曰推者推手也

尸進二手受于手閒注受從手閒謙也

盛氏世佐曰手閒主人二手之閒

主人退尸還几縮之右手執外簾北面奠于筵上左之

南縮不坐注左之者異于鬼神生人陽長左鬼神陰長右不坐奠之者几輕疏尸橫受之將欲縱設于席故還之使縮

敖氏繼公曰几稍高故設之不坐少儀曰取俎設俎不坐其意類此

主人東楹東北面拜注拜送几也尸復位尸與侑皆北面答拜

注侑拜者從于尸 誦授凡止爲尸今侑亦拜以其立侑以輔尸故侑從尸拜也

蕙田案以上授尸几

主人降洗尸侑降尸辭洗主人對卒洗揖主人升尸侑升尸西楹西北面拜洗主人東楹東北面奠爵答拜降盥尸侑降主人辭尸對卒盥主人揖升尸侑升主人坐取爵酌獻尸尸北面拜受爵主人東楹東北面拜送爵

注降盥者爲士汚手不可酌

蕙田案以上主人獻尸

主婦自東房薦韭菹醢坐奠于筵前菹在西方婦贊者執昌菹醢以授主婦主婦不興受陪設于南昌在東方興取籩於房籩蕡蕡坐設于豆西當外列籩在東方婦贊者執白黑以授主婦主婦不興受設于初籩之南白在西方興退

注昌菹本也韭菹醢昌本麋蕡蕡麥也蕡熬菜實也白熬稻黑熬黍此皆朝事之豆籩大夫無朝事而用之籩尸亦豐大夫之

禮主婦取遵與者以饌異親之當外列辟劍也退退入房也疏正祭先薦後獻釋祭先獻後薦此儻尸禮與天子諸侯釋祭同故亦先獻後薦也

蕙田案以上主婦薦豆遵

乃升

注升牲體于俎也疏自乃升盡于其上論司馬載俎因歷說十一俎之事

司馬杞羊亦司馬載載

右體肩臂

肫骼臠正脊一

脰脊一

橫脊一

短脅一正脅

一代脅

一腸一胃

一祭肺一載于一

俎

注言撥戶俎復序體者明所舉肩臂存焉亦著

脊脅皆一骨也膾在下者折分之以為肉

清俎也一俎謂司士所設羊鼎西第一俎

羊肉清臠折正脊一

正脅

一腸一胃

一齊肺一

載于南俎

注肉清肉在汁中者以增俎實為戶加也必云臠折明為上所折分者齊

肺離肺也南俎雍人所設在南者此以下十一俎俟時而載于此歷說之爾今文

清為汁疏凡牲體皆出汁不言清此特得清名者正祭升牲體皆無七清此七

清亦升焉故下注云齊清是也若然豕亦有七清而名豕齊者互見為文言清魚

明魚在清耳十一俎者即尸之羊肉清一也豕齊俎二也脰之羊俎三也豕俎四

也主人羊俎五也羊肉清俎六也豕齊七也主婦羊俎八也尸脰主人三者皆有

魚俎是其十一通尸羊正俎為十二俎其四俎尸脰主人主婦載羊體俎皆為正

俎其餘八俎雍人所執二俎益

送往還故有八其實止二俎也司士杞豕亦司士載亦右體肩臂

肫骼臠正脊一

脰脊一

橫脊一

短脅一

正脅一代脅一

肫

肫

肫

肫

肫

肫

肫

肫

肫

肫

肫

肫

肫

肫

肫

一脅一腸一胃一切肺一載于一俎侑俎豕左肩折正

脊一脅一膚三切肺一載于一俎

三注俎用左體侑賤其羊俎過三體有肫尊之加也豕左肩折

折分爲長兄弟俎也切肺亦祭肺互言之爾無羊肉滂下尸也不俎與尸同

疏鼎俎數奇今體數四故云加

欽定義疏上經司馬匕羊載于一俎注云司馬所設羊

鼎西第一俎尸俎第一則侑俎第二第一者在北則

第二者在南無疑也此注乃云北俎殊不可曉疑北

字乃次字之譌若然則注文本明而傳錄者輾轉迷

誤遂致賈氏亦眩之耳侑之豕胥俎亦益送者則雍

人所設于南者注謂豕俎與尸同是也祭肺貴于儕

肺豈其有祭肺而轉謂不備禮乎

蕙田案膚三楊氏本作膚一盛世佐以爲以

下註考之當屬衍文未詳孰是

阼俎羊肺一祭肺一載于一俎羊肉滂臂一脊一脅一

腸一胃一膾肺一載于一俎豕胥臂一脊一脅一膚三

膾肺一載于一俎

注昨俎主人俎無體遠下尸也以肺代之肺尊也加羊

用臂下之也不言左臂者大夫尊空其文也昨俎司士所設豕鼎西俎也其清俎與尸俎同豕俎又與尸豕俎同

主婦俎羊左臠脊一脅一腸一胃一膚一膾羊肺一載

于一俎

注無豕體而有膚以主人無羊體不敢備也無祭肺有膾肺亦下俎也祭肺尊言膾羊肺者文承膚下嫌也膚在羊肺上則羊豕之體名同相

亞也其俎司士所設在魚鼎西者

張氏爾岐曰主婦有正俎無加俎

司士杞魚亦司士載尸俎五魚橫載之侑主人皆一魚

亦橫載之皆加臠祭于其上

注橫載之者異于牲體臠讀如殷啍之

也其俎又與尸豕俎同

尸豕俎同

楊氏復曰橫載則進尾

也祭臠魚此所謂魚清

姜氏兆錫曰臠只是大臠注

疏讀如殷啍之啍曲甚矣

欽定義疏主人之與尸也俎竝同後此設俎羞俎之人

竝同主人尊與尸爲偶也侑輔尸者殺于尸則無羊
匕清俎羊肉清俎豕匕清俎矣主婦匹主人者殺于
主人又殺于侑則并無豕胥俎豕燔俎清魚俎矣且
侑與主婦之俎祇令司馬設之而不以煩賓長也凡
此皆尊卑降殺之差也主人與尸俎雖同而俎實大
不同則亦所謂有所屈有所伸者

蕙田案以上載俎之法

卒升

注卒已也已載尸羊俎

疏此獻尸有五節從主人獻酒于尸并主婦設

羞羊燔尸乃

賓長設羊俎于豆南賓降尸升筵自西方坐左

執爵右取韭菹揆于三豆祭于豆閒尸取饔飧宰夫贊

者取白黑以授尸尸受兼祭于豆祭

注賓長上賓

雍人授次賓

疏匕與俎受于鼎西左手執俎左廉縮之卻右手執匕
枋縮于俎上以東面受于羊鼎之西司馬在羊鼎之東

二手執挑匕枋以挹清注于疏匕若是者三

注挑謂之歆讀如或春或抗之

抗字或作挑者秦人語也此二匕者皆有淺升狀如飯椀挑長枋可以扞物于器中者注猶瀉也今文挑作抗挹皆爲扱疏淺升對尋常勺升深此淺耳

郝氏敬曰若是

者三三挹三注

尸興左執爵右取肺坐祭之祭酒興左執爵

注肺羊祭肺疏上載尸羊正

組而云祭肺一是也其羊肉滂雖有膾肺一此時未升

次賓縮執匕俎以升若是以授尸尸

卻手受匕枋坐祭臠之興覆手以授賓賓亦覆手以受

縮匕于俎上以降

注臠滂者明滂肉加耳嘗之以其汁尚味疏匕滂似大羹特牲大羹不祭不臠

肉加先進其汁而嘗之尚味故也以滂肉加在鼎有汁在俎無汁故以匕進汁

敖氏繼公曰若是者謂執匕俎之儀無變也祭滂如祭酒然亦注于地他時滂不祭此祭者重其在俎也

蕙田案尸卻手受匕枋賓亦却手以受兩受

字石經監本俱誤作授今依欵本改正

尸席末坐啐酒興坐奠爵拜告旨執爵以興主人北面

于東楹東答拜

注旨美也拜告酒美答主人意

司馬羞羊肉清縮執俎尸坐奠爵興取肺坐絕祭臠之

興反加于俎司馬縮奠俎于羊清俎南乃載于羊俎卒

載俎縮執俎以降

注絕祭絕肺末以祭周禮曰絕祭清使次賓肉使司馬大夫禮多崇敬也疏周禮大祝職辨九祭七日絕祭

注云絕木以祭引之證絕祭與此同也

楊氏復曰案正俎皆橫執橫奠加俎皆縮執縮奠羊清俎清字衍

觀承案卒載俎句俎字疑衍張氏本無之可

從

尸坐執爵以興次賓羞羊燔縮執俎縮一燔于俎上鹽

在右尸左執爵受燔揆于鹽坐振祭臠之興加于羊俎

賓縮執俎以降

注燔

盛氏世佐曰此羞燔之俎不在上所陳六俎內其先所陳處未聞士虞禮云羞燔俎在內西轅上南順

尸降筵北面于西楹西坐卒爵執爵以興坐奠爵拜執爵以興主人北面于東楹東答拜主人受爵尸升筵立